

BON DIA Aruba

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Sub-Gerente General

Jaime Mata

Sub-Gerente Editorial

Dionne Fradl-Jie Sam Foek

Redaccion

Jenisse Thiel
Lia de Cuba
Margarita Els
Maritza Tromp-Lacle

Redactor Deportivo

Nathalie Winterdaal

Colaborador

Oscar Vidal
Seever Krozendijk

International

Mariano Heyden

Fotografo

Dino Tromp

Ehecutivo di Benta

Marijke Croes-Luidens
Mark Gomes

Diseño Grafico

Michael Arendsz

Aviso y Arte

Sandra Loefstrop
(Hefe di reservacion)
Gladis Palomino Silva
Lando Rafael
Robert Cortez

Administracion y Distribucion

Mariette Engelhart
Martha Arteta de Ariza
Jenny Lobbrecht - Kelly

Collecion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Yair Gambin
Francis Dirks
Martin Boekhoudt

Agenda di Noticia

Associated Press
New York Press

Afilacion

Sociedad Interamericana
di Prensa (SIP)

DIRECCION

Weststraat #22

Tel: 582-7800 / Fax: 582-7044
email: noticia@bondia.com
BON DIA ARUBA

Ta un Corant redacta y imprimi na
Aruba y ta obtenibel di Dialuna te
cu Diasabra. Ningun contenido
por wordo reproduci sin permiso
di Editor. www.bondia.com

"Fisherman's Hut e miho opcion"

ORANJESTAD – Discusionnan cu departamento di Infraestructura y Planificacion y e Fundacion di Deportenan Acuatico, IWFA (Independent Watersports Foundation Aruba) tabata pa mira ki opcionnan lo ta cumbini mas pa loka ta e ubicacion di e diferente companianan di deporte acuatico. Na prome instante a propone Baranca Plat, na unda un rampa a wordo traha, pero no tabata esun di mas adecuado.

SITUACION IDEAL

Sinembargo, despues di a scucha e departamento riba un solucion temporario, e fundacion a muestra cu ya for di tres aña pasa, a bin cu tres diferente opcion cu Fisherman's Hut ta esun di mas miho. Esaki ta pasobra e tin un situacion cu nan por deal cun'e cu ya t'ey caba, no mester traha un pier, cu lo por bay costa hopi placa, ni un wavebreaker pa kibra olanan. Esey ta inversionnan grandi cu ta papiando di dje, segun Robert Leeuwe, kende ta secretario di e fundacion. E ta sigui splica cu tin un seco pafo di Fisherman's Hut cu ta duna nan suficiente proteccion for di circunstancianan mas dificil, caminda nan por lanta nan ekipo na tempo sin haya un daño grandi. Esaki ta haci cu Fisherman's Hut ta un ubicacion ideal pa lansamento di botonan, como tambe trece nan bek na canto.

ARASHI MESTER KEDA UN BEACH

Leeuwe a conta BON DIA ARUBA cu e problema di Arashi ta, cu tin momentonan cu ta trankil manera tur caminda, pero hopi biaha ta haya na Arashi por mira riba rif cu por mira olanan grandi ta drenta. Arashi ta un luga cu ta un di e ultimo pida beach cu hendenan local como tambe turista ta disfruta y mester keda asina. Ta pa e motibo ey a dicidi na Fishermans' Hut tabata tin semper e opcion den pasado cu piscadonan por uza e caminda y e luga pa lansa of lanta diferente boto. Leeuwe ta kere cu nan kier keda logicamente mas cerca di e hotelnan. No solamente tin e clientenan mas cerca, pero si tin un situacion di cualkier emergencia, ya tin e sitio mas cerca posibel pa por lanta un boto si un boto mester haya un daño, sla, of por a dañá dor di lama, caminda cu mester drecha lihe pa e boto no haya mas daño of hasta por sink. Esey lo ta e situacion mas ideal y adecuada,



si mester haci un estudio tur caminda. E fundacion a haci su huiswerk y a bisa cu esey lo ta e situacion mas ideal pa tur usuario, no solamente pa deporte acuatico.

E LUGA DI MAS DIFICIL

E problema cu e negoshinan di deporte acuatico tin actualmente cu nan a constata y a bisa den pasado cu Eagle Beach un biaha mas ta un di e sitionan mas dificil pa lansa boto. Ey ta e prome caminda ora cu lama haci su movicion, e ta bira casi imposibel pa traha. Esey por a experencia den e ultimo tres of cuater dia, ora cu nan a cuminsa haci uzo di e rampa. Diferente colega a baha ekipo y a haya daño basta severo y pa motibo cu lama tabata laba un poco. Por a mira lama cu tabata perfectamente flat y no tabata tin ningun ola. Den e condicionnan cu ta papiando di dje, un tiki movicion caba, atardi, en particular pa lanta boto, a bira imposibel. P'esey ta keda insisti y a reconoce cu ora lama mester bira bruto, e ta bira un peligro pa e usuario cu ta bay pa subi su boto of pa hende local priva, e ta bira pio pasobra nan no ta hende tin e experiencia necesario. Hasta nan por haya situacionnan cu un hende por herida nan mes cu por bira pio ainda.

BARANCA PLAT TA KEDA UN PELIGRO

Pa e fundacion, actualmente no tin mas opcion cu pa uza Fisherman's Hut. Tabata tin opcion na Marriott, pero

esaki ta keda un beach y e fundacion ta respeta e parti ey. Mester compronde tambe cu tin hopi diferente factor den e trabao diariamente cu ta haci e luga mas ideal. Por ehempel, si ta yega un dia y mester hiba auto despues pa e parkinglot y hasta ora hiba colega den boto pa busca e trailer, ora cu yega na e rampa na Baranca Plat, e ta di concret. No tin nada, no por marea, no por para pafo, Leeuwe a bisa. Pa baha un hende na Baranca Plat semper tin peligro, principalmente si tin tiki movicion.

NO MESTER INVERTI HOPI

Normalmente yegando na Fishermans Hut, ta djis estaciona e boto un rato banda di beach, por hasta cana bay pafo y busca e trailer y auto y ta lanta e boto. Ya a solucionar e problema eynan, Leeuwe a comenta. Esey ta e sistema cu a uza pa casi 10 aña largo y e ta funcionando. Hasta ora cu lama bira bruto eynan e peligro cu ta haya daño na e ekipo of hendenan ta haya sla na curpa ta menos grandi compara cu Baranca Plat. Esey ta caminda nan ta insisti y pa gobierno mes no gasta placa innecesariamente, placa di pueblo cu nos tur tin cu bay paga pe na final. E luga na Fisherman's Hut no ta rekeri mucho inversion.

GARANTIA

E fundacion a palabra cu DIP pa nan haya un garantia, pues algo preto riba blanco cu e palabracion cu a wordo haci diamars, ta pendiente den un

carta, cu ta duna nan e autorisacion pa e siguiente tres luna y no tin confusion den e diferente departamentonan manera a pasa ultimo dianan cu polis kier a duna boet. Pa autoridad keda na altura y pa mantene un comunicacion optimal, e fundacion kier un declaracion di gobierno cu nan por muestra autoridad cu nan ta haciendo algo cu nan tin derecho e ora riba esey. Esey ta e prome palabracion, Leeuwe a bisa. E di dos parti di e palabracion ta cu nan ta puntrando gobierno un biaha mas pa por fabor, wordo envolvi den e decision cu wordo tuma pa nan por duna nan consejo tambe y p'esey asina mes nan por preveni cu un error cu a tuma luga den pasado pa traha algo cu a wordo construi y perde placa cu tempo.

LO TUMA DECISION PRONTO

Pronto DIP lo bay pone pueblo na altura di cierto cambionan cu lo bay tuma luga riba e situacion aki y tambe muestra cu lo bay tin cierto indicacionnan cu cierto camindanan botonan lo wordo lansa durante cierto oranan di dia. No esey so, ta bay tin algo cu ta bay ta fiho manera bankinan di concret, cu lo wordo separa di e resto di e beach cu diferente otro actividadnan, y cu e ta keda cla cu e lansamento lo tuma luga y den lama tambe tin boto cu por mira exactamente unda e ta indica unda tin cu sali, unda no mag di core, etc. □